

**ԱՄԵՆԱԽԵԼՈՔ ՄԱՐԴԸ / Հայ ժողովրդական հեքիաթներ, Հատոր VIII / Գուգարք (Լոռի),
Լոռու բարբառ (խոսվածք)**

Թե ոնց ա ըլլմ, օրերից մի օր մի թաքավորը հրամայլմ ա իրա երգրի ծերերին սըպանեն: Դե թաքավորի հրաման ա, ո՞վ կարա դեմ կանգնի, ինչքան պառավ ա ըլլմ, սպանլմ, սուրդուն են անլմ:

Շատ ա անց կենլմ, քիչ, մի օր էլ թաքավորի քաղքըմը մի ջանավար վագրն ա լիս աշխարք ընգնլմ, սկսլմ ա ժողովրդին կըտորիլը: Քաղաքի մեջտեղը մի աղբուր ա ըլլմ, էդ անտերը նստլմ ա աղբրի կողքին, ու ոչ մի մարդ ոիսկ չի անլմ ջրի գնա: Դե տղա ես մողացի, ձեռաց փշրտորլմ ա: Միրտ չեն անլմ էդ անօրեն գազանին սըպանեն:

Թաքավորի զինվորներից մինը, մի ջահել տղա, իրա հորը թաքուն պահած ա ըլլմ: Գնլմ ա էդ գուլումի մասին հորը պատմլմ, թե. — Այ հեր, վագրը ժողովրդի գլխին պատիժ ա դառել:

Հերը տղին ասլմ ա. — Այ տղա, ես որ դուս գամ, թաքավորը կիմանա հա՛մ իմ գլուխը կտա, հա՛մ էլ քունը: Էդ գուլումիցն ազատվելու հնարը գիդեմ, ոնց ասեմ, նհենց էլ կանես: Մի մենձ հայլի վեր կունես, կտանես վագրի վրա: Գազանը հենց որ իրա պատկերը տենա, կսարսափոտի, հենց կիմանա մի ուրիշ գազան ա իրա վրա հարձակվլմ, կթողա, կփախչի: Ոնց որ հերն ասլմ ա, տղեն թհենց էլ անլմ ա:

Վագրը հենց որ իր ա պատկերը տենլմ չի՛, գլուխն առնլմ ս, կորչլմ, հլա ուրիշից էլ չորս ոտն ա փոխ առնլմ: Էն գնալլն ա ըլլմ, որ գնլմ ա: Ժողովրդի աչքը լիս ա գալի:

Թաքավորն էդ բանն իմանլմ ա, ձեռաց գլխի ա ընգնլմ, որ ըստի մի բան կա, էդ ջահելի արած բան չի, ծերերին էլ սըպանել են:

Էդ տղին կանչլմ ա ու թե. — Այ տղա, էդ քու խելքի բան չեր: Հլա դուզն ասա, ո՞վ ա սըվորցրել, որ թհենց վագրին փախցընեն:

Տղեն ի՞նչ կարա անի, ահը սրտըմը պատասխանլմ ա. — Թաքավորն ապրած կենա, վերն աստված, ներքն դու, ասսուց թաքուն չի, քեզանից ինչ թաքուն ըլի: Որ դու հրամայեցիր ինչքան ծեր մարդ կա՝ սըպանեն, իմ ձեռը վրա չեկավ. հորս սպանեցի ոչ, քու ստրուկն եմ, ինչ ուզլմ ես արա, էդ բանը հերս սվորցրուց:

Թաքավորը տղի թիգունքին տալիս ա ու ասլմ. — Ամենախելոք մարթը դու ես, որ քու հորը սըպանել չես: